

Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allangortinneqarnissaa pillugu Inatsisartut inatsisaat

(Aatsitassanut Inatsisillu Atuutsinneqarnerannut Naalakkersuisoq)

Saqqummiussissut

(Aatsitassanut Inatsisillu Atuutsinneqarnerannut Naalakkersuisoq)

Siullermeerneqarnera

Naalakkersuisut sinnerlugit matumuuna aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allangortinneqarnissaa pillugu Inatsisartut inatsisaannut siunnersuut saqqummiutissavara.

Siunnersuut aatsitassanut tunngasunik suliaqarneq pillugu Inatsisartut inatsisaannut siunnersuummut ataqatigiissinneqarpoq, aammalu aatsitassanut ikummatissanullu inatsimmi aalajangersakkat, Inatsisartut inatsisaanni matumani taarserneqartussat, atorunnaarsinneqarnissaat aammalu Inatsisartut inatsisaata matuma akuerineqareernerata kingorna marloqiusamik maleruagassiisoqannginnissaata qulakkeernissaa siunertaalluni. Aalajangersakkat atorunnaarsinneqartussatut siunnersuutigineqartut, aatsitassanut tunngasunik suliaqarneq pillugu Inatsisartut inatsisaanni aalajangersakkanit taarserneqarput.

Inatsisissatut siunnersuut nassuiaatillu tassunga atasut innersuussutigissavakka.

Taamatut oqaaseqarlunga, Naalakkersuisut sinnerlugit siunnersuut Inatsisartuni suliassanngortippara.